



KENYATAAN / SIARAN AKHBAR
Untuk maklumat lanjut sila hubungi:
Bahagian Komunikasi Korporat
Perbadanan Putrajaya
Tel: 03-88877033 Faks: 03-88811008



**YB MENTERI WILAYAH PERSEKUTUAN RASMI KIOSK@11
PRESINT 11 PUTRAJAYA**

PUTRAJAYA, 20 Februari 2020 - Menteri Wilayah Persekutuan, YB Tuan Haji Khalid bin Abd Samad merasmikan pembukaan Kiosk@11 baharu di Presint 11, Putrajaya.

Turut hadir pada program tersebut, Presiden Perbadanan Putrajaya (PPj), YBhg. Datuk Dr. Aminuddin bin Hassim dan Timbalan Ketua Setiausaha Kementerian Wilayah Persekutuan (KWP), YBhg. Wan Ahmad Uzair Bin Wan Sulaiman.

Projek Kiosk@11 merupakan inisiatif kerajaan di bawah peruntukan Program Pembangunan Ekonomi Bumiputra (PEB) Kementerian Wilayah Persekutuan bertujuan untuk membantu peniaga-peniaga bumiputra di Putrajaya bagi menjalankan aktiviti perniagaan secara lebih teratur dan tersusun di samping memastikan aktiviti komersial yang berjalan di kawasan tersebut sentiasa dapat dikawal dan dipantau dari aspek kebersihan dan keselamatan.

Kiosk@11 mempunyai 12 ruang niaga untuk jualan beraneka makanan dan minuman berkonsepkan "*grab n go*". Kios ini telah beroperasi sepenuhnya pada 15 Februari 2020 dan 90% peniaga adalah di kalangan penduduk Putrajaya. Kios komuniti yang berkonsepkan berhampiran kediaman ini merupakan yang ke-3 dibangunkan oleh PPj selepas Kios D'Harmoni Presint 9 dan Kios D'Belian di Presint 14.

Beroperasi seawal jam 7 pagi hingga 10 malam serta kedudukan kios yang strategik dan kepelbagaian menu yang menarik antaranya Mee Rebus Tulang, Nasi Ekonomi, Lontong, Soto, Nasi Goreng Ayam Sambal, Nasi Kerabu, Nasi Dagang, menu ala western diharapkan dapat menarik pengunjung datang ke kios ini.

Maklumat lanjut berhubung Majlis Perasmian Pembukaan Kiosk@11, sila hubungi Pegawai Media, En. Mohd Fairus Bin Mohd Padzil di talian 03-8887 7347/019-3354346 atau En Ahmad Fazila Othman di talian 03-88877325/012-5761490.

(TENGKU AINA BINTI YTM TENGKU ISMAIL SHAH)

Pengarah,
Bahagian Komunikasi Korporat
b.p. Presiden Perbadanan Putrajaya

Tarikh: Februari 2020